



Broj: 06-1-07-3-182/21
Sarajevo, 08.03.2021. godine

Na osnovu člana 2.9 stav (1) tačka 9, a u vezi sa članom 13.10 i članom 13.5 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) i Poglavlja VII. Uputstva o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14, 90/16, 8/17 i 91/18), Centralna izborna komisija Bosne i Hercegovine je na 34. sjednici, održanoj 08.03.2021. godine, **d o n i j e l a**

O D L U K U

o utvrđivanju rezultata posrednih izbora i dodjeli mandata iz Skupštine opštine Sokolac za Skupštinu Grada Istočno Sarajevo

(1) Centralna izborna komisija Bosne i Hercegovine utvrđuje rezultate posrednih izbora za Skupštinu Grada Istočno Sarajevo iz Opštine Sokolac, kako slijedi:

1. Kandidatska lista Saveza nezavisnih socijaldemokrata -SNSD dobila je **3** glasa,
2. Kandidatska lista grupe odbornika F dobila je **3** glasa,
3. Kandidatska lista grupe odbornika E dobila je **3** glasa,
4. Kandidatska lista grupe odbornika M dobila je **3** glasa,
5. Kandidatska lista grupe odbornika 1 dobila je **3** glasa,
6. Kandidatska lista grupe odbornika 2 dobila je **3** glasa,
7. Kandidatska lista grupe odbornika 3 dobila je **2** glasa.

(2) Centralna izborna komisija Bosne i Hercegovine dodjeljuje mandate u Skupštini Grada Istočno Sarajevo iz Opštine Sokolac sljedećim odbornicima:

1. Strahinja Bašević,
2. Golijan Jovan,
3. Radić Đorđe,
4. Samardžija Njegoš,
5. Dupljanin Miodrag i
6. Kosorić Žarko.

O b r a z l o ž e n j e

Skupština opštine Sokolac je dana 05.03.2021. godine dostavila Centralnoj izbornoj komisiji Bosne i Hercegovine akt broj: 01-080-43/21 od 05.03.2021. godine, te u prilogu istog cjelokupan materijal o provedenim posrednim izborima iz Skupštine opštine Sokolac koji se sastoji od zapisnik o provedenom postupku glasanja za izbor odbornika za Skupštinu Grada Istočno Sarajevo iz Skupštine opštine Sokolac, biračkog spiska i glasačkih listića.

Centralnoj izbornoj komisiji Bosne i Hercegovine dostavljeni su rezultati glasanja sa cjelokupnim izbornim materijalom, kako bi Centralna izborna komisija Bosne i Hercegovine

postupila u skladu sa članom 2.9 stav (1) tačka 9, a u vezi sa članom 13.10 Izbornog zakona Bosne i Hercegovine utvrdila i potvrdila rezultate posrednih izbora iz Skupštine opštine Sokolac za Skupštinu Grada Istočno Sarajevo.

U postupku izbora odbornika u Skupštini Grada Istočno Sarajevo od 21 odbornika u Skupštinu opštine Sokolac glasalo je 20 odbornika, jedan glasački listić ostao neupotrebljen, za sedam (7) prethodno ovjerenih kandidatskih listi. Nevažjećih glasačkih listića nije bilo.

Posredni izbori za Skupštini Grada Istočno Sarajevo iz Skupštinu opštine Sokolac provedeni su dana 05.03.2021. godine, te su utvrđeni sljedeći rezultati:

1. Kandidatska lista Saveza nezavisnih socijaldemokrata -SNSD dobila je 3 glasa,
2. Kandidatska lista grupe odbornika F dobila je 3 glasa,
3. Kandidatska lista grupe odbornika E dobila je 3 glasa,
4. Kandidatska lista grupe odbornika M dobila je 3 glasa,
5. Kandidatska lista grupe odbornika 1 dobila je 3 glasa,
6. Kandidatska lista grupe odbornika 2 dobila je 3 glasa,
7. Kandidatska lista grupe odbornika 3 dobila je 2 glasa.

Odredbom člana 13.10 Izbornog zakona Bosne i Hercegovine propisano je da se mandati raspodjeljuju jedan po jedan po listama ili kandidatima sa najvećim količnicima koji su rezultirali iz formule za proporcionalnu respodjelu predviđenu članom 13.5 ovog Zakona. Kada jedna lista osvoji mandat, taj mandat se dodjeljuje s vrha liste.

Ukupni broj odbornika koji se biraju iz opština u skupštinu grada utvrđen je članom 50. Izbornog zakona RS i isti je za Skupštinu opštine Sokolac šest (6) odbornika.

Imajući u vidu da su ispunjeni svi zakonski uslovi za utvrđivanje rezultata izbora za odbornike u Skupštini Grada Istočno Sarajevo iz Opštine Sokolac, Centralna izborna komisija Bosne i Hercegovine je, u skladu sa članom 2.9 stav (1) tačka 9, a u vezi sa članom 13.10 Izbornog zakona Bosne i Hercegovine, odlučila kao u dispozitiva ove odluke.

Ova odluka stupa na snagu danom donošenja i objaviće se dana 08.03.2021. godine u 16:00 časova na zvaničnoj internet stranici Centralne izborne komisije Bosne i Hercegovine, www.izbori.ba, i smatraće se da je danom objavljivanja ista dostavljena svim učesnicima u izbornom procesu.

Pravna pouka: Protiv ove odluke, u skladu sa članom 6.9 stav (1) i stav (2) Izbornog zakona Bosne i Hercegovine, može se podnijeti žalba Apelacionom odjeljenju Suda Bosne i Hercegovine u roku od dva (2) dana od dana objave ove odluke.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.

